

წესი მოძღვრობისა

მოძღვრის წოდებისა და წესის¹ რაობასა და მოძღვრობის პრობლემას ბოლო ხანებში არაერთი ავტორი შეეხო. საკითხი ძირითადად განიხილებოდა ასკეტიკურ-ზნეობრივი და პრაქტიკულ-ლიტურგიკული ასპექტებით. სასულიერო მიმართულების პერიოდულ გამოცემებში დაბეჭდილი პუბლიკაციებისა და ცალკე წიგნების სახით გამოიცა სხვადასხვა სახის „კითხვა-მიგებანი“, „რჩევები ახალბედა მოძღვრებს“, „რას გვეტყვი, მამაო“, „კითხვანი აღსარებასა ზედა“ და მრავალი სხვა.

სამწუხაროდ, ეს თხზულებები არცთუ იშვიათად შეიცავენ უმართებულო ცნობებსა და საეჭვო რეკომენდაციებს; უმეტესწილად მითითებული არაა ცალკეულ სწავლებათა წყაროები, და ზოგჯერ სავსებით უავტოროდაც წარედგინება მკითხველს, რითაც უგულვებლყოფილია ავტორის პასუხისმგებლობა.

მიუხედავად ამ ხარვეზებისა, მოძღვრობის შესახებ გამოცემულ ლიტერატურას აქვს ერთი დადებითი მხარე – იგი აშკარად გვიჩვენებს მორწმუნეთა საზოგადოების ინტერესს მოძღვრობის საკითხისადმი.

რა არის მოძღვრობა, როგორც წესი (ხელობა, თანამდებობა), ქრისტიანობაში საზოგადოდ; როგორია ამ წესის წარმოშობა და განვითარების გზა; რომელ დოგმატურ, ეკლესიოლოგიურ და საეკლესიოსამართლებრივ საფუძვლებზე ჩამოყალიბდა მისი პრაქტიკულ-ლიტურგიკული სახე სხვადასხვა ეპოქაში, – ამ საკითხების შესწავლის გარეშე შეუძლებელი იქნება, შევაფასოთ სამოძღვრო პრაქტიკის სახე

1 'წესს' ძველ ქართულში რამდენიმე მნიშვნელობა ჰქონდა. ერთ-ერთი მათგანი, რომლითაც ჩვენ მას აქ ვხმარობთ (და ძველი ქართული მწერლობის მრავალ ძეგლშია დადასტურებული), არის 'სახელო' ანუ 'თანამდებობა' ('მოწესე' კი – მოხელე, რომელიმე დასის წევრი ანუ რაიმე თანამდებობის მქონე პირია). 'წესმა' ქართულში ეს მნიშვნელობა, როგორც ჩანს, ბერძნული ἡ τάξις-ის მიხედვით შეიძინა საღმრთისმეტყველო ლიტურგირის თარგმნის პროცესში; რადგანაც τὰξίς ბერძნულში 'წესს', 'წესრიგს' და 'განწესებასაც' ნიშნავდა და 'თანამდებობასაც', ქართველმა მთარგმნელმა τὰξίς-ის შესატყვისად 'წესი' დაწერა იქაც, სადაც 'წესრიგი' იგულისხმებოდა, და იქაც, სადაც თანამდებობაზე იყო საუბარი. კონტექსტში 'წესის' ამგვარი მნიშვნელობის ხშირმა გამოვლენამ კი, როგორც ჩანს, გააფართოვა სიტყვის სემანტიკური არე.

ამა თუ იმ ეპოქაში, და განვსაზღვროთ მისი მიმართება საეკლესიო ტრადიციასთან.

საქართველოს ეკლესიაში არსებული მოძღვრობის ინსტიტუტის ისტორიული ფორმების შესწავლის ცდები ძალზე ძუნწად გვხვდება სამეცნიერო ლიტერატურაში. ამჟამად ჩვენი მიზანია, მოკლედ მიმოვიხილოთ ზოგიერთი მათგანი და მკითხველს გავაცნოთ პოსტათონურ კურთხევათა კრებულების შესწავლის შედეგად ახალგამოვლენილი მასალები მოძღვრობის წესის ისტორიის შესახებ.

‘მოძღვარს’, როგორც ტერმინს, ამჟამად უფრო ‘მღდელის’ სინონიმური მნიშვნელობით ხმარობენ. ასე მოიხსენიებენ თითოეულ მღდელ-მსახურს, რადგან ჩვეულებრივი მღდელმოქმედების გარდა (საღმრთო მსხვერპლის შეწირვა, ლოცვა, საეკლესიო წეს-განგებათა აღსრულება), ისინი მოძღვრობასაც ეწევიან (სამოძღვრო ანუ სწავლებითი საუბრები, რომელსაც ამჟამად უფრო ქადაგებად მოიხსენიებენ,² აღსარების მიღება, ძმათათვის სულიერი და ზნეობრივი რეკომენდაციების

2 სიტყვა „ქადაგება“ რომელიც ამჟამად „სწავლა-მოძღვრებითი საუბრის“ მნიშვნელობით იხმარება, თავდაპირველად ნიშნავდა „საჯარო გამოცხადებას“, „უწყებას“, „მოწვევას“, „ხმამალალ განცხადებას“, „მასხარებლობას“. ამ მნიშვნელობითაა იგი მრავალგზის მოხსენიებული ახალი აღთქმის ტექსტებში, როგორც სახელის ფორმით („ქადაგება“; τὸ κήρυγμα; მათე 12,41; ლუკა 11,32; I კორ. 1,21; 2,4; 15,14), ისე ზმნური ფორმითაც („ექადაგებ“ κηρύσσω; „ქადაგება“ ინფ. κηρύσσει; მათე 3,1; 4,17; 10,7; 10,27; მარკ. 1,4,7,14,39,45; 3,14; 5,20; 6,12; 13,10; 16,20; ლუკა 3,3; 4,18,19,44; 8,1,39; 9,2; 24,47; საქმე მოც. 8,5; 9,20; 10,37,42; 13,24; 19,13; 20,25; 28,31; II ტიმ. 4,17; ტიტე 1,3; რომ. 2,22; 10,8,14,15; 14,24; I კორ. 1,23; 9,27; 15,11-12; II კორ. 4,5; 11,4; გალატ. 2,2; 5,11; ფილ. 1,15; კოლ. 1,23,28). აქედანვე მომდინარეობს ლიტურგიკული ტერმინი „კურექსი“. ეს არაა ლოცვა, როგორც ზოგჯერ განმარტავენ, არამედ მოწოდება ლოცვისაკენ (მაგ., „მშუდობით უფლისა მიმართ ვილოცოთ“ და სხვ.). „კეთილი უწყების“, ანუ „მასხარებლობის“ მნიშვნელობა რომ ჰქონია „ქადაგებას“, ჩანს ფილიპ. 1,18-დან: „ქრისტე იქადაგების“ (ამის შესატყვისადაც ბერძნულში წერია: Χριστὸς καταγγέλλεται, ე. ი. ქრისტეს ახარებენო); „ხმამალალი გამოცხადების“ მნიშვნელობა აქვს „ქადაგებას“ მათეს სახარების ერთ ადგილას: „ხოლო რაჟამს იქმოდო ქველისსაქმესა, ნუ ჰქადაგებ (μὴ σαλπίζῃς) წინაშე შენსა (მათე 6,2). σαλπίζῃ ზმნა მომდინარეობს ἡ σάλπιγγ-იდან, რაც ‘საყვირს’ ნიშნავს. ე. ი. აქ ციტირებულ კონტექსტში „ნუ ჰქადაგებ“ ნიშნავს: „საყვირის ხმით ნუ ჩაჰყვირი“ (იგულისხმება: საკუთარ თავს). („ქადაგების“ სხვა შესატყვისები, რომლებიც „უწყებას“, „ხმამალალ გამოცხადებას“ მოასწავებენ, სხვადასხვა ნიუანსით, იხ. ს. ყაუხჩიშვილის საერთო რედაქციით შედგენილ „ბერძნულ-ქართულ დოკუმენტურებულ ლექსიკონში“, ტ. VII, 2007 წ., გვ. 181). „ქადაგება“ და „სწავლა-მოძღვრება“ ერთმანეთისაგან გამიჯნული ცნებები რომ იყო, განსაკუთრებით მკვეთრად ჩანს სახარების შემდეგ ფრაზებში: „და მოჰვლიდა იესუ ყოველსა გალილასა და ასწავებდა (διδάσκων) შესაკრებელთა შორის მათთა და ქადაგებდა (κηρύσσω) სახარებასა სასუფეველისასა და განჰკურნებდა ყოველსა სენსა და ყოველსა უძღურებასა ერსა შორის“ (მათე 4,23; იგივე ფრაზა, მცირედი ცვლილებით, იხ: მათე 9,35). „წარვიდა (იესუ) მიერ ქადაგებად (κηρύσσει) და სწავლად (διδάσκει) ქალაქებსა მათსა (მათე 11,1).

მიცემა და ა. შ.), მაგრამ ეს დიდი ხნის მოვლენა არაა. ჩვენში მას არა-უმეტეს ორი საუკუნის ისტორია აქვს. ძველად კი მღვდელმსახურისა და მოძღვრის ფუნქციები მკვეთრად იყო გამიჯნული და ყველა მღვდელმსახურს მოძღვრობის უფლება არ ეძლეოდა.

სანამ განვიხილავდეთ საეკლესიო კანონმდებლობას მოძღვრობის შესახებ, და მოძღვრის ადგილსა და სახელოს საეკლესიო იერარქიაში, ორიოდ სიტყვით შევეხოთ ტერმინ „მოძღვარს“.

საღმრთო წერილში 'მოძღვარი' ძირითადად $\delta\iota\delta\alpha\sigma\kappa\alpha\lambda\omicron\varsigma$ -ის³ ან მისი ებრაული ფარდის – „რაბის“ ($\text{rb ან rby; v } \rho\alpha\beta\beta\acute{\iota} \text{ ან v } \rho\alpha\beta\beta\omicron\upsilon\varsigma$)⁴ შესატყვისად გვხვდება, რაც „მასწავლებელს“, „სჯულის მოძღვარს“, „სწავლულს“, „მეცნიერს“, „ბრძენ კაცს“ ნიშნავს; რამდენიმე შემთხვევაში კი $\acute{\omicron} \epsilon\pi\iota\sigma\tau\acute{\alpha}\tau\eta\varsigma$ -ისა,⁵ რაც „(მდგომარეობით) უფროსს“, „დამრიგებელს“, „ზედამხედველს“, „წინამძღოლს“ მოასწავებს (სიტყვასიტყვით კი – „ზედამდგომელს“ ნიშნავს; შდრ. наставник).⁶

სახარებაში მოძღვრად ძირითადად მოიხსენიება იესუ ქრისტე, იოვანე ნათლისმცემელი („რაბი“),⁷ ნიკოდიმოსი („მოძღუარი ისრაელისა“)⁸ და სხვა მჯულისმეცნიერნი.⁹

მათეს სახარებაში მოთხრობილია, თუ მწიგნობართა და ფარისეველთა განკითხვისას როგორ ასწავლის იესუ ქრისტე თავის მოწაფეებს, არ დაემსგავსონ მათ, და მოძღვრის ტიტულით არ მოიხსენიონ თავიანთი თავი, როგორც ამას ისინი სჩადიოდნენ: „უყუარს (მწიგნობართა და ფარისეველთა) ზემოჯდომაჲ სერსა ზედა და პირველდაჯდომაჲ შესაკრებელთა შორის და მოკითხვაჲ უბანთა ზედა და რაჲთა ხადოდიან კაცნი: რაბი, რაბი! ხოლო თქუენ ნუ იწოდებით რაბები, რამეთუ ერთი არს მოძღუარი თქუენი – ქრისტე, ხოლო თქუენ ყოველნი ძმანი ხართ“ (მათე 23,6-8).

'მოძღუარად' მოციქულთა წოდება დაიწყო მხოლოდ ქრისტეს ამაღლების შემდეგ, როდესაც ისინი უფალმა აკურთხა მოძღვრობაზე, ანუ სწავლებაზე: „წარვედით და მოიმოწაფენით ყოველნი წარმართნი და ნათელ-სცემდით მათ სახელითა მამისაჲთა და ძისაჲთა და სულისა წმიდისაჲთა და ასწავებდით მათ ($\delta\iota\delta\alpha\sigma\kappa\omicron\upsilon\pi\tau\epsilon \alpha\upsilon\tau\omicron\upsilon\varsigma$) დამარხვად

3 მათე 8,19; 9,11; 10,24; 12,38; 19,16; 22,16,24,36; მარკ. 4,38; 9,17,38; 10,17; 12,14; ლუკა 2,46; 9,38; 10,25; 18,18; 19,39; 20,21,39; 21,7; იოვანე 1,38; 13,13-14; 20,16; საქმე მოც. 13,1; იაკ. 3,1; რომ. 2,20; 12,7; 1 კორ. 12,28-29; ეფეს. 4,11; 1 ტიმ. 2,7...

4 მათე 23,7-8; 26,25,49; მარკ. 14,45; 9,5; იოვანე 3,2; 4,31; 11,8...

5 ლუკა 8,24,45; 17,13...

6 საღმრთო წერილში ტერმინ „მოძღვრის“ მნიშვნელობის შესახებ დაწვრილებით იხ.: Γ. Γρατσάαζ, $\Delta\iota\delta\alpha\sigma\kappa\alpha\lambda\omicron\varsigma$, ΘΗΕ, τ. IV, 1964 Αθήνα, 1198-1199. Γ.

7 იოვანე 3,26.

8 იოვანე 3,10.

9 ლუკა 2,46.

ყოველი, რაოდენი გამცენ თქუნ“ (მათე 28,19-20).

‘წარმართთა მოძღურად’ მოიხსენებს თავის თავს პავლე მოციქული (διδάσκαλος ἔθνας– I ტიმ. 2,7; II ტიმ. 1,11). „საქმე მოციქულთა“-ში პავლესთან ერთად სხვა მოძღვრებიც მოიხსენიებიან: „იყვნეს ანტიოქიას შინა წინასწარმეტყუელნი და მოძღუარნი: ბარნაბა და სკემონ, და ლუკიოს კურინელი და მანაინ და სავლე“ (საქმე მოც. 13,1). პეტრეს კათოლიკე ეპისტოლიდან ჩანს, რომ ამ წოდებას ზოგჯერ უმართებულოდ ითვისებდა ისეთი პირი, რომელიც ჭეშმარიტების ნაცვლად წარმწყმედელ წვალებას ავრცელებდა. მათ მოციქული „ცრუ-მოძღვრებად“ (Ψευδιδιδάσκαλοι) მოიხსენიებს (II პეტ. 2,1).

პავლე მოციქული მოძღვრობის განწესებას, ისევე, როგორც საღმრთო მსახურების სხვა სახეებისას, მიაწერს უფალს: „რომელნიმე დაადგინნა ღმერთმან ეკლესიათა; პირველად მოციქულნი, მეორედ წინასწარმეტყუელნი, მესამედ მოძღუარნი (διδάσκαλοι); მერმე ძალნი, მაშინლა მადლნი კურნებათანი, შეწევნანი, წარმატებანი, თესლად-თესლადი ენათა“ (I კორ. 12,28). მოციქულობა და მოძღვრობა აქ, ერთი შეხედვით, ერთმანეთისაგანაა გამიჯნული, კომენტატორები კი მიუთითებენ, რომ საკუთრივ მოძღვართა გარდა, მოციქულნიც და წინასწარმეტყველნიც თავიანთი ფუნქციით მოძღვარივც არიან, უფრო მაღალი დასისა.¹⁰ მათ შემდეგ, მოძღვრებისა და სწავლების გავრცელების მიზნით, ეკლესიას ღმერთმა განუწესა მოძღვართა მესამე დასი (იგულისხმება მღვდელთმოძღვართა ანუ მღვდელთმთავართა დასი), რომელთა მოძღვრება იმით განსხვავდება მოციქულთა და წინასწარმეტყველთა მოძღვრებისაგან, რომ, თუ ისინი მხოლოდ სულიწმიდის მიერ შთაგონებულ სიტყვებს წარმოთქვამდნენ, მესამე დასის მოძღვარნი ხანდახან თავიანთი სწავლულებისა და გონიერების მოშველიებითაც განავრცობენ მოძღვრებას, იმავე სულიწმიდის მადლის შეწევნით. მაშასადამე, სამი დასის მოძღვართა (მოციქულთა, წინასწარმეტყველთა და მღვდელთმოძღვართა) შორის განსხვავება მხოლოდ უფროს-უმცროსობააო.¹¹

10 „ეძიებ თუ ღმრთივ დადგინებულთა მოძღვართა ეკლესიისათა პირველობასა და შემდგომობასა, ესე აწ მე წარმოგიტხრა: პირველად მოციქულნი, მეორედ წინასწარმეტყუელნი, მესამედ მოძღუარნი“ (Jer.9,18r-v. იხ.: სამოციქულოს განმარტება, გამოკრებული იოვანე ოქროპირისა და სხვა წმიდა მამათა თხზულებებიდან, თარგმნილი ეფრემ მცირის (კარიჭის ძის) მიერ, II, ტექსტი გამოსაცემად მოამზადა და წინასიტყვა დაურთო ექვთიმე კოჭლამაზაშვილმა, თბ., 2006, 287).

11 „არა ლიტონად იტყჳს (მოძღუართა) პირველობასა და მეორეობასა (I კორ. 12,28), არამედ რაითა ცხად ყოს უპირატესობაჲ და შემდგომობაჲ პატივთა მათთაჲ. ვინაჲცა კეთილად თქუნა პირველად მოციქულნი, ვითარცა დასაბამნი და ძირნი ქრისტიანეთა სარწმუნოებისანი, ხოლო წინასწარმეტყუელნი – მეორედ. არა თუ ძუელთა წინასწარმეტყუელთა იტყჳს, რომელნი იყვნეს პირველ

ცალკეულ თემში ერთი მოძღვრის განწესების იდეა სათავეს იღებს იაკობ მოციქულის ეპისტოლიდან: „ნუ მრავალნი ჰმოძღვრით, ძმანო ჩემო! უწყოდეთ, რამეთუ უდიდესი სასჯელი მოვილოთ, რამეთუ ფრიად ვსცთებით ყოველნივე“ (იაკ. 3,1-2).

რატომ არაა მიზანშეწონილი მრავალთა მოძღვრება ერთ თემში? რატომ მივიღებთ ამის გამო უდიდეს სასჯელს? – იაკობ მოციქულის ეპისტოლის ამ ადგილის კატენურ განმარტებაში ვკითხულობთ: „თუ ვინმე მარტო სიტყვებით ასწავლის მოწაფეს ამა თუ იმ სათნოებას, თავად კი ეს სათნოება ჯერ არა აქვს მოპოვებული, ამგვარი სწავლება არა მარტო უსარგებლოა, არამედ ძალზე საზიანოც; როგორ შეიძლება, მოწაფეს ჯეროვნად ასწავლო ის საქმე, რომელიც თავადვე გეშლება და სცდები?“

„სწავლებისას სიტყვიერი შეუმცდარობა მხოლოდ მაშინაა შესაძლებელი, როდესაც, რასაც სხვათა სასწავლელად იტყვი, ჯერ ყოველივეს შენვე აღასრულებ საქმით. სათნოების მასწავლებელს ჯერ საკუთარი სხეული უნდა ჰქონდეს დამორჩილებული და ყოველივე სიბილწისაგან განშორებული. ღმრთის შიში მან აღვირივით უნდა ამოსდოს ყოველივე ცოდვას, და მხოლოდ ამის შემდეგ ასწავლოს სხვას ბოროტისაგან მოქცევა და სიკეთის ქმნა. და ასწავლოს მარტო სიტყვით კი არა, არამედ – სიტყვით და საქმით.“¹²

ქრისტეს მოსლვისა, არამედ მათ, რომელნი-იგი შემდგომად მოციქულთა იყვნეს ყოველთა ეკლესიათა. ამისთვისა პირველ მათსა ითქუნეს მოციქულნი, რამეთუ ყოველივე იგი საზომი მადლთა პირად-პირადისა განყოფისა თავთა შორის მათთა აქუნდა უნაკლულად. ხოლო მეორედ თქუმულთა ამათ წინასწარმეტყუელთა ერთი ოდენ აქუნდის მადლთა მათგანი – წინასწარმეტყუელბა; ვითარ-იგი იყო ავაბოს და ასულნი ფილიპენი, და თათ მათ კორინთელთაცა შორის, რომელთა მიუწერს, ვითარმედ: „წინაწარმეტყუელნი ორნი ანუ სამნი იტყოდედ“ (I კორ. 14,29). უფროსლა ყოველთა ეკლესიათა იყვნეს ეგვიპტარნი წინასწარმეტყუელნი, უმრავლესნი რიცხვთა უფროს ძუელთა მათსა, რამეთუ არა ათთა გინა ოცთა ანუ ასთა მიმართ დაადგრა სიმდიდრე იგი მადლისა. ხოლო უკუეთუ გესმის ქრისტესი, ვითარმედ: „შჯული და წინასწარმეტყუელნი ვიდრე იოვანესდამდე წინასწარმეტყუელბდეს“ (მათე 11,13; ლუკა 16,16), გულისკმა-ყავ, ვითარმედ ესე ძუელთა მათთვის უთქუამს, წინამომასწავებელთა მოსლვისა მისისათა. ხოლო მესამედ მოძღუარნი ამისთვის დაიწესნეს შემდგომად წინასწარმეტყუელთა, რამეთუ წინასწარმეტყუელი ყოველსავე სულისა მიერ წინასწარმეტყუელბს, ხოლო მოძღუარი ოდესმე თვისსაგანცა გონებისა გინა სწავლულებისა განავრცობს მოძღურებათა, მითვე მადლითა სულისა წმიდისათა. და კულად, ამისთვის მყის შემდგომად მოციქულთა და წინასწარმეტყუელთასა მესამე დასი მიეცა მოძღუართა, რამეთუ ურიცხუთა სულთა მარგებელ ექმნეს სიტყუთა სწავლათა თვისთაყთა (Jer. 9,18v; სამოციქულოს განმარტება, II, გვ. 287-288).

12 „ვინათგან პირველ საქმით წარმართებისა სათნოებათასა სიტყვით მოძღურებას სხუათა საქმეთა მათთვის, რომელნი თვთ არა აქუნდენ მასწავლელსა მას, არა ხოლო ურგებ, არამედ ფრიადისა ზღვევისაცა მომატყუებელ არს. ამისთვის საშჯელისა თანამდებ ჰყოფს სიტყვით მოძღურებასა სხუათასა, რა-

როგორც ვხედავთ, მრავალთა მოძღვრობის მიზანშეუწონლობის ახსნისას კომენტატორები კმაყოფილდებიან მხოლოდ იმის აღნიშვნით, რომ მოძღვარი, სანამ სხვათა დამოძღვრას შეუდგებოდეს, ჯერ თავად უნდა იყოს სულიერი გამოცდილებით აღსავსე; საკუთრივ მრავალთა მოძღვრობაზე კი სიტყვას აღარ აგრძელებენ, რადგანაც კონტექსტიდან აშკარაა: მოძღვრობისათვის საჭირო გამოცდილების შეძენა ხანგრძლივი და მძიმე მოღვაწეობითაა შესაძლებელი, რაც მხოლოდ რჩეულთა ხვედრია, მრავალთათვის კი – მიუწვდომელი.

საეკლესიო სწავლების თანახმად, მოძღვრობის პატივს არ უნდა ესწრაფოდნენ ისეთი პირნი, რომელთაც საამისო სისრულისათვის არ მიუღწევიათ; რომელნიც, იაკობ მოციქულის სიტყვისამებრ, „ფრიად ვსცთებით“ მით უფრო, დამწყები და ახალბედა – სრულიად შეუფერებელია მოძღვრობის პატივისათვის.¹³ ერის სულიერ წინამძღვრად და მოძღვრად გამორჩეული უნდა იქნეს ერთი ყველაზე სანიმუშო მოწესე, რომელიც განშორებულია ყოველი უწესოებისაგან და აღვსებულია ყოველგვარი წესიერებით, რომელიც არასოდეს მიდრეკება ზომიერისა და ჯეროვნისაგან, რომლის სიტყვები შეზავებულია საღმრთო მადლის მარილით.¹⁴

მოძღვრის სიტყვას უდიდესი ზემოქმედება აქვს მორწმუნეთა გულებზე, და, იმისდა მიხედვით, ჯეროვნად წარემართება იგი თუ უჯე-

უამს თუთ მოძღუარი იგი ჯერეთ მრავლით-კერძო მცთომ იყოს საქმეთა შინა. მოციქულისაჲ: რომელი სიტყუთ არა სცთებოდის, იგი სრული კაცი არს. შემძლებელ არს იგი აღკურ-სხმად ყოვლისავე გუამისა (იაკ. 3,2). თარგმანი: ესე არს სიტყუთ არა-მცთომობაჲ მოძღურებასა შინა, რაითა, რასა-იგი იტყოდის სასწავლელად სხუათა, ყოველივე თუთ საქმით წარემართოს. და ესრეთ სრულ ქმნილ იყოს სიტყუთ და საქმით, რაითა ყოველივე გუამი მისი აღკურ-სხმულად და მიუახლებულად აქუნდეს ყოვლისავე ცოდვისაგან აღკურთა შიშისა ღმრთისაითა, და ესრეთა ასწავებდეს სხუათა; არა ეგოდენ სიტყუთ, რაოდენ სიტყუთ და საქმით, მოქცევასა ბოროტისაგან და ქმნასა კეთილისასა (სამოციქულოს განმარტება, გამოკრებული იოვანე ოქროპირისა და სხვა წმიდა მამათა თხზულებებიდან, თარგმნილი ეფრემ მცირის (კარიჭის ძის) მიერ, I, ტექსტი გამოსაცემად მოამზადა და წინასიტყვა დაურთო ექვთიმე კოჭლამაზაშვილმა, გამომცემლობა „ალილო“, თბილისი 2011, 457-458).

13 მაშასადამე, პუბლიკაციები, სათაურით – „რჩევები ახალბედა მოძღვრებს“, რომლებიც ამასწინათ გამოჩნდა ჩვენს ბეჭდურ და ციფრულ გამოცემებში, – უკვე სათაურიდანვე მცდარია, ტრადიციული საეკლესიო თვალსაზრისის მიხედვით. მოძღვრის პატივი მხოლოდ სულიერ, გამოცდილ და განსწავლულ პირთ შეჰფერის, ხოლო ახალბედა ანუ გამოუცდელ მოღვაწეთათვის ამგვარი პატივი, შესაძლოა, „პატიუს მომატყუებელი“ (ე. ი. დასჯის საფრთხე) შეიქნეს.

14 კირილე ალექსანდრიელის სიტყვით, „ყოველსავე ადგილსა ეძიებს სიტყუაჲ ესე მოძღუართაგან და წინამძღუართა ერისათა, რაითა სიტყუაჲ აქუნდეს ზომიერად შეზავებული მადლთა მარილითა (შდრ. კოლ. 4,6) და არასადეთ მიდრეკილი ზომიერისა და ჯეროვნისაგან, ყოვლად ლტოლვილი ყოვლისა უწესოებისაგან და ყოვლად აღსავსე ყოვლითა წესიერებითა“ (სამოციქულოს განმარტება, ტ. I, გვ. 458).

როდ, თემის აღწენებაც შეუძლია და დაქცევაც. „ერთმოდღურებას“ კი „მრავალმოდღურებასთან“ შედარებით ის უპირატესობა ეძლეოდა საეკლესიო ტრადიციით, რომ ერთმოდღვრება თემის ერთობას განამტკიცებდა, ხოლო რამდენიმე მოძღვრის ერთ თემში მოღვაწეობას შეეძლო გამოეწვია ამა თუ იმ სარწმუნოებრივი ან ყოფითი საკითხისადმი ერთმანეთისაგან განსხვავებული მიდგომის წარმოშობა თემის ცალკეულ ჯგუფებში. ეს იმიტომ, რომ ყველა მოძღვარი თანაბარი სიღრმით ვერ იქნებოდა განსწავლული საღმრთო მოძღვრებაში, და თითოეული მოძღვრის სამწყსო ჩამოყალიბდებოდა მათი სულიერი წინამძღოლის სიწმიდის, სიბრძნის, სწავლულების დონის, პედაგოგიური გაქანებისა და მიმართულების შესაბამისად, ე. ი. ერთი თემის ფარგლებში გაჩნდებოდა საკუთარი ტრადიციების მქონე სხვადასხვა სკოლები, რაც თემის წევრთა ერთობას შეარყევდა, ეს კი თემის წევრთა შორის დაძაბულობისა და წინააღმდეგობის გამომწვევი შეიძლებოდა გამხდარიყო. ასე რომ, „ერთმოდღვრება“ ეკლესიის ერთიანობისათვის აუცილებელ პირობად იყო მიჩნეული.

თუ რა შფოთვისა და განხეთქილების გამწვევა შეეძლო ერთ თემში მოძღვართა სიმრავლეს, ამისი თვალსაჩინო მაგალითი დაფიქსირებულია „რუის-ურბნისის კრების ძეგლისწერაში“ (1105 წ.): „შემდგომად ამათსა ამისიცა სათანადოდ ვჰგონეთ მოჰსენებაჲ, ვინაჲთგან მოძღურად წოდებულთა მათ მონაზონთაჲ ფრიადი და აღურიცხველი არს სიმრავლე, და ერთსა მონასტერსა შინა ხუთნი და ათნი, მრავალგზის ოცნიცა და ოცდაათნი იპოებიან, დიდი თუ იყოს მონასტერი; და მრავლისა შფოთვისა და განხეთქილებისა მიზეზსა შემოიღებს სიმრავლე მათი. ამისთვის განვაჩინებთ, რაჲთა ამიერითგან დასცხრეს ესე ვითარი ესე უწყსოებაჲ, და პირველად ამას განვასაზღვრებთ, რაჲთა უმღდელოსა არა ჰკელ-ეწიფებოდის განმკითხველობად სულთა, არა თუ ეპისკოპოსი იყოს, ანუ მღდელი, ანუ დიაკონი, რამეთუ პირველად შეკრვისა და განჰსნისა ჰელმწიფებასა უკმს ქონებად, და ეგრეთღა განკითხვისა სულთაჲსა ჰკელ-ყოფად. ამას თანა, რაჲთა დიდთა მონასტერთა შინა ორ-ორი, ხოლო მცირეთა შინა თითო ხოლო კმა-იყოს მოძღვარი. და უკუეთუ ვინმე ამას განჩინებასა გარდაჰჰკდეს, უეჭუელად ესმეს მას, ვითარმედ: ხოლო ჰდომისაგანთა მათ და ურჩთა ჭეშმარიტებისათა და მორჩილთა სიცრუისათა – რისხვაჲ და გულისწყრომაჲ, ჭირი და იწროებაჲ და შემდგომი“¹⁵

ამრიგად, „ძეგლისწერა“ ერთ თემში მოძღვართა სიმრავლეს უწყსოებად მოიხსენიებს, და განაჩინებს მათი რაოდენობის შეზღუდვას. ხოლო ვინც დაარღვევს ამ განჩინებას – „ჰდომისაგანთა“ და „ჭეშმარიტების ურჩთა“ მოსაგებელის თანაბარ რისხვას უქადის.

15 ე. გაბიძაშვილი, რუის-ურბნისის კრების ძეგლისწერა, თბ., 1978, 128.

რა კონკრეტული ფუნქციების შესრულება ევალეზობდა მოძღვარს? გამოთქმულია მოსაზრება, რომ „მოძღვარი“ და მისგან ნაწარმოები ტიტულები რაიმე განსაზღვრულ საეკლესიო თანამდებობასა და დაწესებულებას კი არ გამოხატავდა, არამედ მხოლოდ საპატიო წოდებები იყო;¹⁶ ამის მაგალითად მოჰყავთ სამი დიდი მღვდელთმთავრის (ბასილი დიდის, გრიგოლი ღმრთისმეტყველისა და იოვანე ოქროპირის) „მსოფლიო მოძღვრებად“ მოხსენიება;¹⁷ ასევე, ეფთვიმე და გიორგი მთაწმიდელების, ეფრემ მცირისა და სხვათა მოხსენიება „დიდ მოძღვრებად“¹⁸ ე. გაბიძაშვილის აზრით, სხვადასხვა წყაროებში მოხსენებული „სულიერი მოძღვარი“ ყოველთვის არ უნდა გადმოსცემდეს გარკვეულ თანამდებობას.¹⁹

„მოძღვრის“ საპატიო ტიტულად ხმარება, ალბათ, გამორიცხული არ უნდა იყოს (მაგალითად, მაშინ, როდესაც სწავლულებით გამორჩეულ უმაღლეს იერარქებს და უდიდეს საეკლესიო მწერლებს ვახსენებთ), მაგრამ ჩვენს ხელთ არსებული საისტორიო წყაროები გვიჩვენებენ, რომ 'მოძღვარი' ამასთანავე, იყო ტიტული სრულიად განსაზღვრული თანამდებობის პირისა, რომელსაც განსაზღვრული ფუნქციების შესრულება უხდებოდა.

მოძღვრის ტიტულის (διδάσκαλος) არსებობა ბიზანტიაში – შუა საუკუნეებამდეა დაფიქსირებული.²⁰ მისგან წარმოშობილა სხვა მონათესავე ტიტულებიც: „მსოფლიო მოძღვარი“ (ὁ οἰκουμηνικὸς διδάσκαλος), „დიდი მოძღვარი“ (ὁ μέγας διδάσκαλος), „მოძღვართმოძღვარი“ (ὁ διδάσκαλος τῶν διδασκάλων). მოძღვართმოძღვრად, სახელდობრ, იწოდებოდნენ უმაღლესი სკოლის ხელმძღვანელები.²¹ მაშასადამე, მოძღვრის უმთავრესი ფუნქცია სწავლება უნდა ყოფილიყო.

ივ. ჯავახიშვილი წერს: „განსაკუთრებული ადგილი ეკავა სამონასტრო ცხოვრებაში მოძღვარს. მოძღვარი მეცნიერი ბერი იყო, რო-

16 იქვე, გვ. 131.

17 ანალოგიური ტიტულით დასავლეთის ეკლესიაში მოიხსენიებიან წმიდა მღვდელთმოძღვარნი: ამბროსი მედიოლანელი, ნატარი ავგუსტინე, გრიგოლ დიალოლონი და იერონიმე (Doctores Ecclesiae).

18 ე. გაბიძაშვილი, რუის-ურბნისის კრების ძეგლისწერა, გვ. 131.

19 იქვე.

20 სიმონ ყაუხჩიშვილი, გელათის აკადემია, თბ., 1948, 18.

21 მოძღვართმოძღვრის ტიტული საქართველოს ეკლესიაში XII საუკუნიდანაა ცნობილი. იგი ენიჭებოდა სასულიერო სასწავლებლების ხელმძღვანელებს, მოგვიანებით კი ზოგიერთი მონასტრის წინამძღვარსაც (იხ. ე. თაყაიშვილი, ჰელმწიფის კარის გარიგება, თბ., 1920, XXIX-XXXIII); ს. ს. ყაუხჩიშვილი, გელათის აკადემია, გვ. 19; ჰელმწიფის კარის გარიგება, ტექსტები გამოსაცემად მოამზადა, გამოკვლევა, ლექსიკონები და საძიებლები დაურთო ივ. სურგულაძემ, თბ., 1970, 30-31; ს. გამსახურდია, სწავლა-განათლება ძველ საქართველოში, თბ., 1975, 35-54; ე. გაბიძაშვილი, რუის-ურბნისის კრების ძეგლისწერა, გვ. 128-133.

მელსაც მოწაფეები ჰყავდა და რომელთანაც სხვადასხვა მხრიდან მოდიოდნენ ხოლმე სასწავლებლად. მოძღვარი თავის მოწაფეს სულიერ-სარწმუნოებრივ ხელმძღვანელობასაც უწევდა და მწერლობასა და მეცნიერებას და რომელსამე ხელოვნებას ასწავლიდა. მოწაფე თავის მოძღვართან ცხოვრობდა და სწავლობდა.²²

მოძღვრისა და მოძღვართმოძღვრის უმთავრესი ფუნქცია რომ სწავლება იყო, ერთხმადაა გაზიარებული სხვა მკვლევართა მიერაც,²³ მაგრამ ამასთანავე აღნიშნავენ, რომ სულიერი მოძღვრის ფუნქცია იყო აგრეთვე მოწაფისაგან აღსარების მიღება, კანონის დადება, ცოდვების შენდობა და, საზოგადოდ, სულიერი ხელმძღვანელობა.²⁴ ეს კი, არსებითად, ისევე სწავლებაა: თუ სწავლა-მოძღვრებითი საუბრები ეკლესიის მთელი კრებულისთვის იყო განკუთვნილი, სწავლების სხვა სახე – სულთა განმკითხველობა – ცალკეულ მორწმუნეთა ინდივიდუალურ სწავლება-შეგონებასა და სულიერი რეკომენდაციების მიცემას ისახავდა მიზნად, და, საჭიროების შემთხვევაში, – მხილებას, შერისხვასა და განკანონებასაც აღსარების მოსმენის შემდეგ.

მოძღვრის სახელოსა და მოძღვრობის წესის რაობის შესახებ ნათელ წარმოდგენას გვიქმნის უამრავი საეკლესიო-სამართლებრივი დოკუმენტი. სახელდობრ, ეფთვიმე მთაწმიდელი VI მსოფლიო საეკლესიო კრების 40-ე კანონში მიუთითებს: „რომელნი მონაზონებისა წესსა მოვიდენ და სწადოდის მარტოდ-მყოფებაი, უჴმს მათ პირველად შესლვაი მონასტერსა და სწავლაი წესსა მონაზონებისასა, და სამ წელ მორჩილებად წინამძღუარსა მას და მოძღუარსა სულიერსა ყოვლითა მორჩილებითა და სიმდაბლითა.“²⁵

იქვე, 43-ე კანონში აღნიშნულია: „სულიერთა მათ მოძღუართა, რომელთა აღსარებაი იგი შეცოდებულისაი შეიწყნარონ, ვითარცა იხილონ სინანული მისი და შემუსრვილებაი და გლოვაი, ანუ თუ უღმობელობაი და გულფიცხელობაი და უნანელობაი, კელ-ეწიფების შემოკლებაიცა კანონისაი და განგრძელებაი.“²⁶

მოძღვრობის თანამდებობის შესახებ მრავალ საინტერესო ცნობას იძლევა იოანე მმარხველის „კანონნი შეცოდებულთანი“, რომელიც „მცირე სჯულისკანონს“ ერთვის. სახელდობრ, მოძღვარს ჰქონდა უდიდესი სულიერი გამოცდილება, ცოდნა, მართებული განსჯა-განკითხვის

22 ივ. ჯავახიშვილი, ქართული სამართლის ისტორია, II, 1929, 55.

23 ე. გაბიძაშვილი, რუის-ურბნისის... გვ. 130-131; სვ. გამსახურდია, სწავლა-განათლება ძველ საქართველოში, თბ., 1975, 35-44.

24 ე. გაბიძაშვილი, რუის-ურბნისის... გვ. 132.

25 მცირე სჯულისკანონი, გამოსაცემად მოამზადა ელგუჯა გიუნაშვილმა, თბ., 1972, 51-52.

26 იქვე, გვ. 53.

უნარი.²⁷ მას ევალეზობდა გამოძიება და გამოწვლილვა აღმსარებლის სულიერი მდგომარეობისა,²⁸ ასევე, შეცოდებულთა განკანონება მათი ბრალის შესაბამისად,²⁹ აღმსარებელთ კი თავმდაბლად უნდა მიეღოთ მათთვის მიცემული კანონი.³⁰

ანალოგიური ცნობები გვხვდება კანონიკური მწერლობის სხვა ძველ ძეგლებში. სახელდობრ, ცნობილ კითხვა-მიგებაში, რომელიც ეფთვიმე მთაწმიდელმა თევდორე საბაწმიდელს მისცა, აღნიშნულია, რომ ზიარების უფლებას თითოეულ მოწაფეს აძლევს მოძღვარი: რომელსა ზიარებაჲ აქუნდეს მოძღურისაგან, ეზიარენ ჟამსა სამკურისასა და პირი იკსნას.³¹ „მოძღუართა... მოწაფენი აკურთხენ და აღსარებაჲ იტკუროთნ.“³² „მოწაფესა თანა-აც მორჩილებაჲ [მოძღურისაჲ].“³³ „რაიცა [მოძღუარმან] ამცნოს მოწაფესა, თანა-აც მორჩილებაჲ.“³⁴

ქრისტიანი რომელ მოძღვარსაც დაემოწაფება, მას არასოდეს აღარ უნდა განშორდეს: „რაიცა (მოძღუარმან) ამცნოს მოწაფესა, რომლისაჲ-იგი აღსარებაჲ ეტკუროს, გინა ეკურთხოს, ჳელმწიფებაჲ აქუს მას ზედა მოძღუარსა, და მოწაფესა მას თანა-აც მორჩილებაჲ. და წარსლვად მოწაფისა მოძღურისაგან, თუნიერ წამებისა მისისა, არა ჳელ-ეწიფების ყოვლადვე.“³⁵ „არარაჲ არს მიზეზი ურჩებისა და მოძღურისაგან განშორებისაჲ,³⁶ და, თუ წავა, – მხოლოდ მისი თანხმობით: „წარსლვაჲ მოძღურისაგან თუნიერ წამებისა მისისა არა ჳელ-ეწიფების [მოწაფესა].“³⁷

არის მხოლოდ განსაკუთრებული შემთხვევები, როცა მოწაფეს მოძღვრისაგან განშორების უფლება აქვს და შეენდობა: „უკუეთუ წვალებასა ანუ კაცისკლვასა, ანუ სიძვასა ანუ გრძნებასა, გინა მწამლველობასა აწუევდეს მოძღუარი, არა აქუს ესევეითარსა ჳელმწიფებაჲ; და მოწაფე იგი უკუეთუ ურჩ ექმნას, უბრალო არს.“³⁸ ასევე, „უკუეთუ მოძღუარი იგი ადგილსა ესევეითარსა ჯდეს, სადა ვნებანი იყვნენ და მოძღუარსა მას არა ევნებოდის, ხოლო მოწაფე იგი დაცემასა შთავარდებოდის, და უთხრას მოძღუარსა მას, და მან არარაჲ იბრუნვოს

27 იქვე, გვ. 91.

28 „ჯერ-არს გამოძიებაჲ და გამოწვლილვაჲ მოძღურისა, რომელი შეიწყნარებდეს აღსარებასა“ (მცირე სჯულისკანი, გვ. 92).

29 „ყოველნი მოძღუარნი განკანონებენ შეცოდებულთა“ (იქვე, გვ.86).

30 „ჯერ-არს კანონსა მოძღურისაგან მიცემულსა მითუალვად“ (იქვე, გვ. 92).

31 ქართული სამართლის ძეგლები, გამოსცა ი. დოლიძემ, ტ. III, თბ., 1970, 14.

32 იქვე, გვ. 15.

33 იქვე, გვ. 15.

34 იქვე, გვ. 7.

35 იქვე, გვ. 15.

36 იქვე, გვ. 16.

37 იქვე, გვ. 16.

38 იქვე, გვ. 15.

ცხორებად სულისა მისისაჲ, და მოწაფე იგი განეშოროს ამის პირისათჳს, უბრალო არს იგი.³⁹

მოძღვრობა უბრალო საპატიო ტიტული რომ არაა, არამედ – სრულიად განსაზღვრული თანამდებობა (საკელო, მოკვლეობა), ჩანს პეტრიწონის მონასტრის ტიპიკონიდან (1084 წ.): „უკუეთუ წინამძღუარი არა იყოს მღვდელი, გინა ლიტონი მონაზონი იყოს, და უმეცარი შჯულსა მას კანონთასა, და რამეთუ კელსა შინა მღვდელისასა არს შეკრვაჲ და განკსნაჲ, ჯერ-არს წინამძღურისა, რაჲთა გამოირჩიოს მღვდელთაგან უმჯობესი და მოღუაწე და მეცნიერი შჯულსა მას კანონთასა, და იგი განაჩინოს სულიერად მოძღურად ყოველთა ძმათა, რაჲთა წინამძღურისა წილ მას უთხრობდენ და აღუვარებდენ ყოველთა ცთომათა და გულისსიტყუათა თჳსთა.“⁴⁰ აქედან ჩანს, რომ მონასტერში მოძღვრობა უშუალოდ წინამძღვარს ეკუთვნის, თუ იგი ამისათვის საკმაოდაა მომზადებული (სწავლულებისა და იერარქიული მდგომარეობის მხრივ), სხვა შემთხვევაში კი, როდესაც წინამძღვრის სწავლულება საკმარისი არაა მოძღვრის ფუნქციების შესასრულებლად, მონასტრის მოწესეთაგან გამოირჩევა „უმჯობესი და მოღუაწე და მეცნიერი“, და დაიდგინება იგი კრებულის სულიერ წინამძღვრად, მოძღვრად (ე. ი. მონასტრის წინამძღვრის მოადგილედ სამოძღვრო საქმეებში).

შიომღვიმის წინამძღვრის მამა სკუმეონის განჩინებიდან (XII ს.) ჩანს, რომ მის ჟამს მონასტრის ხელისუფალთა სამეულში, წინამძღვართან და დეკანოზთან ერთად, მოძღვარიც შედიოდა: „წინამძღურისა, მოძღურისა და დეკანოზისა კელთა არს ეკლესიისა საქმე.“⁴¹ რაკი აქ არაა მოხსენიებული იკონომოსი, რომელიც, ჩვეულებრივ, მონასტრის უმაღლეს ხელისუფალთა შორის იხსენიება ხოლმე, ჩანს, ამ შემთხვევაში თავად წინამძღვარი ითავსებდა იკონომოსის ფუნქციებს.

ამრიგად, მოძღვარი ინიშნებოდა მონასტრის ძმათა სულიერი ხელმძღვანელობისათვის, მოძღვრებითი საუბრების, აღსარების მიღებისა და კანონის დადებისათვის. მოძღვრად შეირჩეოდა (და საგანგებო ხელთდასხმით დაიდგინებოდა) ყოველმხრივ წმიდა და უმანკო მონაზონი, რომელშიც პირადი ცხოვრების უბიწოებასთან შეერთებული იყო უდიდესი განსწავლულობა საღმრთო წერილში, ქრისტიანულ მოძღვრებასა და სჯულის კანონებში. მონასტერში შეიძლებოდა მრავალი მღვდელმონაზონი ყოფილიყო, მოძღვარი კი – მხოლოდ ერთი. ყველა მას გაანდობდა აღსარებას, ყველა მისგან მიიღებდა უტყუარ რჩევა-დარიგებას სულიერი წარმატებისათვის. იმ შემთხვევებში, როდესაც „ერთმოძღვრების“ პრინციპი დაირღვეოდა, ამ მოვლენას მკაც-

39 იქვე, გვ. 16.

40 იქვე, გვ. 67-68.

41 იქვე, გვ. 128.

რად განიკითხავდა საეკლესიო სამართალი, როგორც ეს მოხდა, მაგალითად, რუის-ურბნისის კრებაზე.

მოძღვრის ტიტული ზოგჯერ „წინამძღვართანაა“ გათანაბრებული, მის სინონიმად იხმარება. ასეა, სახელდობრ, „ვაჰანის ქვაბთა განგებაში“ (1204-1234 წწ.). იქ მონასტრის ხელისუფალთა სამეულში მოძღვარი უპირატესადაა წარმოდგენილი, და იწოდება „სულიერ მწყემსად“, „უცთომელ წინამძღურად“;⁴² მეორე და მესამე მოხელე – იკონომოსი და დეკანოზია.⁴³

მონასტრის არც ერთ მკვიდრს, ამ ტიპიკონის თანახმად, არა აქვს უფლება, სხვა მოძღვარს დაემოწაფოს ან თვითონ გაიჩინოს მოწაფენი. ამით მონასტრის კრებულის (ძმობის) ერთობას („სავსებას“) დარღვევის საფრთხე ექმნებოდა: „არავის ძმათაგანსა კელ-ეწიფების მოწაფე-ყოფად სხვსა მოძღურისა, და არცა მოგებად მოწაფეთა, არცა შინაგან მონასტრისა და არცა გარეთ, და... ნუ განიყოფების ყოველი სავსებაჲ ძმათაჲ.“⁴⁴

მოძღვრის გამორჩევის წესი მკაცრადაა „განგებაში“ განსაზღვრული: „მღდელთა დასიდან მონასტრის წევრთა ('ძმათა') ერთსულოვანი გადაწყვეტილებით შერჩეულ უნდა იქნეს ისეთი კაცი, რომელიც სიტყვით და საქმით ყველა დანარჩენზე უკეთესია, და ამ ფაქტს ყველა ერთხმად დაამოწმებს; ამასთან, მას მონასტერში დიდი ხანი უნდა ჰქონდეს გატარებული, და ყველა მოწმე უნდა იყოს მისი უბიწო ცხოვრებისა; შემკობილი უნდა იყოს ყოველგვარი სათნოებითი სიკეთით – სულიერითაც და ხორციელითაც, და უნდა შეეძლოს ტვირთვა ამდენი მონაზონის ('ძმათა') სულებისა, ...თითოეული მათგანის წვრთნა და სულიერ სწეულებათაგან კურნება... და რათა ზოგ რამეს სიტყვით ასწავლიდეს, ხოლო უფრო მეტად – საქმით (პირადი მაგალითით) უჩვენებდეს.“⁴⁵

მოძღვრის ნებართვის გარეშე მონასტრის კრებულის წევრები ნაბიჯსაც ვერ გადადგამდნენ.⁴⁶ იგი ძმათა კრებულის ერთპიროვნული გამგებელი იყო.

42 იქვე, გვ. 140.

43 იქვე, გვ. 145-146.

44 იქვე, გვ. 136.

45 „დასისაგან მღდელთასა გამოირჩეოდის ერთსულობისა მიერ ძმათასა კაცი სიტყვით და საქმით უაღრესი სხუათა ყოველთაჲ, რომელსა ყოველნივე ერთკმობით ეწამებოდინ, და მრავალი ჟამი დაეყოს მონასტერსა შინა და უბიწოსა ცხოვრებისა მისისა ყოველნი იყვნენ მოწამე, შემკობილი ყოვლითავე სათნოებათა სიკეთითა, სულიერებისა და კორციელებისა, და შემძლებელი ტურთვად ესოდენსა სულებსა ძმათასა; ...წურთად და კურნებად კაცად-კაცადისა წყლულებასა... და რათა უმცირესთა – სიტყვით, ხოლო უმრავლესთა საქმით ასწავებდეს“ (იქვე, გვ. 137).

46 „რათა გამოუთხოველად მოძღურისა არავის სადა კელ-ეწიფებოდის წარსლვად გარეგან მონასტრისა“ (იქვე, გვ. 145).

ასეთივე იერარქიული უპირატესობით სარგებლობს მოძღვარი ერისთავთ-ერისთავ მკარგრძელის ქტიტორული განწესებით მოქმედ მონასტერში.⁴⁷

„მცნებაჲ სასჯულოჲ“ (1470-1474 წწ.) მოძღვრებს ეპისკოპოსთა შემდეგ მოიხსენიებს, მღდელთა და დიაკონთა უწინარეს.⁴⁸ როგორც სულიერი ხელმძღვანელნი, შედარებულნი არიან „სახიერ მწყემსთან“ – ქრისტესთან.⁴⁹

1748 წლის საეკლესიო კრებამ კვლავ განაახლა კანონი მოძღვრობის სახელოს შესახებ. ამ დროისათვის, როგორც ჩანს, ერის მოძღვრობა და აღსარების მიღება რიგით მღვდლებსაც დაუწყიათ. ამ მოვლენას უწესობად აფასებს კრების დადგენილება და განაჩინებს: „ვამცნებთ მღდელთა ეკლესიისათა: უკუეთუ ინებონ მოძღვრებად ერისა და აღსარებისა შეწყნარებად სიტყუერთა სამწყსოთა, ჯერ-არს, რაჲთა პირველად მიიღონ ბრძანებაჲ და შენდობაჲ თავისის ეპისკოპოსისაგან, და უკუეთუ კულა არა მიიღონ შენდობა და ბრძანება ეპისკოპოსისა, ნუ ოდეს იკადრებენ მოძღვრებად ერისა, რამეთუ უწესო არს.“⁵⁰

მოძღვრისა და მოძღვართმოძღვრის სახელო საქართველოს ეკლესიაში XIX ს-მდე შემორჩა. მის გაუქმებას, როგორც ჩანს, ხელი შეუწყო საქართველოს ეკლესიის ავტოკეფალიის გაუქმებამ და რუსეთის ეკლესიის უწმიდესი სინოდის მიერ ახალი იერარქიული წესრიგის დამყარებამ.

“სულიერი მოძღვრის” სინონიმად ძველი ქართული ლიტერატურის ძეგლებში (X-XI სს. და შემდგომი ხანისაც) ხშირად გვხვდება ტერმინი ბერი, რაც ბერძნული *γέραια* (*γέραιος*)-ის შესატყვისია (რუს. *Старец*). რადგანაც სულიერი მოძღვრის (ანუ ბერის) წესზე, ჩვეულებრივ, მონაზონნი დაიდგინებოდნენ, მოგვიანებით (მოძღვრის ანუ ბერის სახელოს გაუქმების შემდეგ) ‘ბერი’ ‘მონაზვნის’ სინონიმურ ტერმინად იქცა; მონაზვნის წოდება კი ძირითადად დედაკაც მოწესეთ შემორჩა.

ცნებათა ასეთ აღრევას ზოგიერთი ისტორიული ფაქტის არასწორი ინტერპრეტაცია მოჰყვა მეცნიერებაში; სახელდობრ, ეს გახდა ერთ-ერთი მიზეზი იმისა, რომ აკად. კორნელი კეკელიძემ არსენ მონაზონი (იყალთოელი, კალიპოსის მონასტრის მოღვაწე) და არსენ ბერი (მწერალი კანონისტი, მეტაფრასტი და ჰიმნოგრაფი) ორ სხვადასხვა პირად მიიჩნია.⁵¹ ამჟამად ეს თვალსაზრისი მეცნიერებაში უარყოფილია, და

47 იქვე, გვ. 150-153.

48 იქვე, გვ. 222, 229, 231, 232.

49 იქვე, გვ. 228.

50 იქვე, გვ. 800.

51 კ. კეკელიძე, ძველი ქართული ლიტერატურის ისტორია, ტ. I (თბილისი 1980), 309-314.

დამაჯერებლადაა დასაბუთებული ამ ორი არსენის იგივეობა,⁵² მაგრამ ბერობის რაობა (კერძოდ, “სულიერ მოძღვართან” ამ ტერმინის იგივეობის თეზისი) საგანგებოდ არავის გამოუკვლევია. ბოლო ორ საუკუნეში დამკვიდრებული ტრადიციის თანახმად, ‘ბერი’ ‘მონაზვნის’ სინონიმურ ტერმინად მიიჩნევა დღემდე,⁵³ რაც, ჩვენი დაკვირვებით, ტერმინ ‘ბერის’ ისტორიული მნიშვნელობის დავიწყების შედეგია. ამიტომაც განზრახული გვაქვს, ცალკე ნაშრომი მივუძღვნათ ბერობის სახელოს შესახებ მეცნიერებაში არსებული ხარვეზის შევსებას. ჯერჯერობით კი ამ მცირე შენიშვნით დავკმაყოფილდებით.

მოძღვრობა რომ განთვისებული საეკლესიო თანამდებობა იყო, და არა სამღვდლო პირთა საპატიო წოდება, მოწმობს საგანგებო წესი მოძღვრის ჰელთდასხმისა და კურთხევისა, რომელიც ამასწინათ გამოავლინა ძველქართულ „კურთხევათა“ კრებულების შესწავლამ.⁵⁴ მოძღვრის ხელთდასხმის წეს-განგების ტექსტი ჩვენამდე მოღწეულია ორი ნუსხით (Q658, 58r-v და H1719, 109v-111r),⁵⁵ და დასათაურებულია ასე: „ლოცვაჲ მოძღურისაჲ, თქუმული წმიდისა ბასილი კესარიელისა.“⁵⁶ ორი ხელნაწერის გარდა ეს წეს-განგება ჯერჯერობით არსად შეგვხვედრია. შესაძლოა, მომავალში სხვა ხელნაწერებშიც აღმოჩნდეს, მაგრამ ვფიქრობთ, მათი რიცხვი მაინც ძალზე მცირე იქნება, იმიტომ, რომ, წეს-განგების ტექსტშივე დაფიქსირებული ცნობით, მოძღვრის ჰელთდასხმის უფლება მხოლოდ პატრიარქს ჰქონდა;⁵⁷ მღვდელთა და ეპისკოპოსთა სახმარ კურთხევათა კრებულებში მისი შეტანა არავითარი პრაქტიკული საჭიროებით გამართლებული არ იყო. ამიტომ მნუსხველნი ამ ტექსტს მხოლოდ პატრიარქისთვის განკუთვნილ კრებულში შეიტანდნენ უსათუოდ, სხვა კრებულებში კი – იშვიათად.

ტექსტის გაცნობით ვრწმუნდებით, რომ მოძღვრის დადგინების ლოცვა სიტყვასიტყვით იმეორებს წინამძღვრის ხელთდასხმის

52 იოანე პეტრიწი, სათნოებათა კიბე, გამოსაცემად მოამზადა, გამოკვლევა, შენიშვნები და ლექსიკონი დაურთო ივანე ლოლაშვილმა (თბილისი 1968), 52-57. ე. გაბიაშვილი, რუის-ურბნისის კრების ძეგლისწერა, გვ. 29-72.

53 მაგალითად, ე. გაბიაშვილი წერს: “ბერი” სქემოსნის (ე. ი. მონაზვნის – ე. კ.) აღმნიშვნელი ზოგადი მნიშვნელობით ნახმარი სიტყვაა (ე. გაბიაშვილი, რუის-ურბნისის კრების ძეგლისწერა, გვ. 62.).

54 ე. კოჭლამაზაშვილი, დიდი სინური კურთხევანის რედაქციული თავისებურებანი, (თბილისი 2002), 72-74.

55 ორივე ხელნაწერი XVII საუკუნისაა. როგორც საგანგებო შესწავლით ირკვევა, ისინი ერთი და იმავე დედნიდანაა გადაწერილი (იხ. იქვე, გვ. 27).

56 ე. კოჭლამაზაშვილი, დიდი სინური კურთხევანის რედაქციული თავისებურებანი, გვ. 72.

57 მოძღვრის ჰელთდასხმის განგებაში მითითებულია, რომ მოძღვრის კურთხევა სრულდება დიდ ხუთშაბათს, წმიდა მირონის კურთხევის შემდეგ, უშუალოდ პატრიარქის მიერ (Q658, 58r-v).

ლოცვას,⁵⁸ და მისგან განასხვავებს მხოლოდ ვრცელი შესავალი, სადაც დაწვრილებითაა აღწერილი მოძღვრის გამორჩევის წესი და კურთხევის რიტუალი:

„მოიყვანონ, რომელსა ეგულეობდის მოძღურად ჰელთდასხმად.

ხოლო ესრეთ ჯერ-არს გამორჩევაჲ, რაჲთა იყოს ყოვლითურთ წმიდა და უმანკო, და ყოვლისა მსოფლიოსა საქმისაგან განშორებული, და მოწესე და დაყუდებული, და ერგასის წლისა მიწევნილი, და მეცნიერი ყოველთა წერილთა ძუელთა და ახალთა, და ყოველთა კანონთა სჯულისათა მრავალჟამ წურთილი.

დიდსა ხუთშაბათსა, ოდეს იკურთხეოდეს წმიდაჲ მიჰრონი და შეკრბენ წმიდანი კრებულნი ყოვლით-კერძო, მოიყვანონ წინაშე მათსა და მოვიდეს მოძღუარი მისი და მონაზონნი მის უდაბნოსანი, რომელსა შინა აღზრდილ იყოს და აღკუეცილ. და რაჟამს მოძღუარმან მისმან წამოს, ვითარმედ ღირს არს და უნაკლულო და ყოვლითა წესითა მისითა და მოძღურად და განკითხვად და წინამძღურად სულთა პირმეტყუელთა, მაშინ მოძღუარმან მისმან დიდსა ხუთშაბათსა, შემდგომად ცისკრისა ლოცვისა, აღიყვანოს წმიდასა საკურთხეველსა ზედა, და ორნივე ჰელნი დაუსხნეს წმიდასა ტრაპეზსა ზედა, და თავსა დასდვას წმიდაჲ სახარებაჲ, და წარიკითხნეს თავსა მისსა ზედა „ხოლო ათერთმეტნი იგი მოწაფენი“⁵⁹ „პირველითგანი“⁶⁰ და „ანდერძნი“⁶¹ სრულიად, და ასწავოს ყოველივე, ვითარმედ: „ყოველთათჳს სულთა შენგან განკითხულთა დღესითგან შენ თანა-გაც სიტყუსგება წინაშე ღმრთისა დღესა მას განკითხვისასა.“ და განაკრძალოს ყოველსავე ზედა, რაჲთა არავინ მოწაფეთა მისთაგანი წარწყმდეს, არამედ ყოველთავე ექმნას წინამძღუარ უცთომელ...“

როგორც ვხედავთ, აქ ლაკონურადაა ჩამოყალიბებული კრიტერიუმები, რომელთა მიხედვითაც შეირჩეოდა სამოძღვრო კანდიდატი: 1) იგი უნდა ყოფილიყო ყოველმხრივ წმინდა და უნაკლო, 2) ამქვეყნიური საქმეებისაგან (ე.ი. ცოდვებისაგან) განშორებული, 3) მონაზვნად

58 ე. კოჭლამაზაშვილი, დიდი სინური... გვ. 72.

59 ესაა მათეს სახარების ბოლო მონაკვეთი, სადაც მოთხრობილია ქრისტეს მცნება მოწაფეებისადმი – დაემოწაფებინათ „ყოველნი წარმართნი“ და ესწავლებინათ ანუ ემოძღვრათ (ნΙΝΔΑΚΟΥΤΕΣ) მათთვის ყოველივე, რაც ქრისტემ ამცნო მათ (მათე 28,16-20).

60 ესაა საღმრთისმეტყველო შესავალი იოვანეს სახარებისა (იოვანე 1,1-17). მოძღვრად ხელთდასხმადისათვის ამ საკითხავის წაკითხვა მიანიშნებს იმას, რომ მისი მომავალი მოძღვრობის საფუძველი მართლმადიდებლობაა (ანუ მართებული ღმრთისმეტყველება).

61 ანდერძად მოიხსენიება ვნების ათორმეტი სახარება: იოვანე 13,31-18,1; იოვანე 18,1-28; მათე 26,57-75; იოვანე 18,28-19,16; მათე 27,3-32; მარკ. 15, 16-32; მათე 27,34-54; ლუკა 23,32-49; იოვანე 19,25-37; მარკ. 15,43-47; იოვანე 19,38-42; მათე 27,62-66 (მრავლობითი ფორმა – „ანდერძნი“ – მიუთითებს სახარების საკითხავთა მრავლობითობას).

აღკვეცილი ('მოწესე') და დაყუდების წესით მცხოვრები, 4) 50 წლის ასაკს მიღწეული, 5) ძველი და ახალი აღთქმის წიგნების ზედმიწევნით მცოდნე, 6) სჯულის კანონის შესწავლისა და განხილვის ხანგრძლივი გამოცდილების მქონე.

მოძღვრის კურთხევა ხდებოდა დიდ ხუთშაბათს, მცხეთის კეთო-ლიკე ეკლესიაში, მირონის კურთხევის ჟამს. რიტუალს ესწრებოდნენ იმ მონასტრის (უდაბნოს) მონაზონნი, სადაც მოძღვრობისათვის გა-მორჩეული მოწესე იყო აღზრდილი. მისი მოძღვარი გამოაცხადებ-და, რომ საკურთხებლად წარმოდგენილი კანდიდატი ყოველმხრივ უნაკლოა და მოძღვრობის წესისათვის შესაფერისი. ცისკრის ლოც-ვის დასრულების შემდეგ იგი საკურთხეველში აიყვანდა სამოძღვრო კანდიდატს, მუხლს მოადრეკინებდა საკურთხეველის წინაშე, თავზე სახარებას დაადებდა და სამ ვრცელ მონაკვეთს წაუკითხავდა მისგან. ამასთან, ასწავლიდა მოძღვრების ყოველსავე წესს და განაკრძალებდა მომავალ მსახურებაში.

ამის შემდეგ პატრიარქი ხელთ დაასხამდა სამოძღვრო კანდიდატს და წაუკითხავდა შესაბამის ლოცვას.⁶²

ჰელთდასხმის ლოცვის ტექსტს მოსდევს რიტუალური მითითება ზედა შესამოსლის – პალლიოს (τό πάλλιου)⁶³ შეცვლის შესახებ, ისე-ვე, როგორც წინამძღვრის კურთხევაშია აღნიშნული.⁶⁴

მოძღვრის კურთხევისათვის წინამძღვრის კურთხევის ლოცვის გამოყენება ამ ორი წესის (თანამდებობის) სიახლოვესა და თითქმის იგივეობას მოასწავებს. ორივე მოწესე – წინამძღვარიც და მოძღვარიც – სიტყვიერი სამწყსოს სულიერი ცხოვრების წარმმართველად დაიდ-გინებოდა, უცთომელ მესაჭედ და მეგზურად, განმკითხველად და მას-წავლელად, მზრუნველად და შუამდგომელად ღმრთის წინაშე.

ახლადგამოვლენილი წესი მოძღვრის ჰელთდასხმისა და კურთხე-ვისა, ვფიქრობთ, შესაძლოა, საფუძვლად დაედოს მოძღვრობის ინს-ტიტუტის (მოძღვრობის წესის) რესტავრაციას საქართველოს ეკლესი-აში, თუ ამის საჭიროება შეიქნა.

62 მოძღვრის დადგინების ლოცვა, როგორც უკვე ვთქვით, წინამძღვრის ხელთ-დასხმის ლოცვას ემთხვევა.

63 πάλλιου -ის შესახებ იხ.: Γ. Θ. Βεργάτη, Αεξικών λειτουργικών και τελετουργικών ὄρων, Θεσσαλονίκη 1995, 170.

64 იხ.: Eujcolovgion to; mevga, jAqh„nai 1902, 195. Εὐχολόγιον τὸ μέγα, Ἁθῆναι 1902, 195

Pastoral orders

Pastorship, i.e., mentorship and guidance (on dogmatic, conceptual, moral, lifestyle and other issues) can be considered as the main mission in the life of the Christian church. In a medieval ecclesiastical community (whether a bishopric, monastery or parish), pastoral orders were vested in its head (bishop, father superior, or a superior clergy having spiritual charge over a parish), while the ordinary clergy, presbyters and deacons, did not have the right to act as pastors. This hierarchy was maintained in the Georgian Church until the 19th century, when, after the unification of the Georgian Church with the Russian Church (1811), pastoral orders became looser under the influence of the Russian Church and could be assumed by any presbyter. In 1917, the Georgian Church regained its autocephaly, but pastoral orders did not change.

Tinatin Margalitadze

A One-Dimensional Model of a Polysemantic Word

The article deals with one of the universal models of polysemantic verbs and adjectives, namely, the one-dimensional model. Along with describing the model itself, this article also analyzes some issues connected with polysemy, such as the essence and status of the separate meanings of a polysemantic word and the role of context in the process of their realization. This article also examines the peculiarities of the lexical meanings of verbs and adjectives.